

Dna. MARÍA BEATRIZ DEL CERRO DEL RÍO, Secretaria do Concello de Ponte Caldelas, provincia de Pontevedra.

CERTIFICO: Que a Xunta de Goberno Local, en sesión celebrada en data **16 de marzo de 2018**, adoptou, entre outros, o seguinte acordo

10.1- Aprobación bases excursión a Portugal.

Dáse lectura da seguinte Proposta da Alcaldía:

**Programa de dinamización da poboación rural,
realización de excursións.**

**NORMAS REGULADORAS DA OFERTA DE PRAZAS NO PROGRAMA DE
DINAMIZACIÓN DA POBOACIÓN RURAL, EXCURSIONS.**

ARTIGO 1.- CONCEPTO

Por parte do Concello de Ponte Caldelas ofértase unha excursións de índole turístico-cultural.

ARTIGO 2.- EXCURSIÓN OFERTADA.

Rutómetro da viaxe:

Viaxe a Portugal.

- Datas: 14 e 15 de abril de 2018.
- Lugar de saída e hora: Colexio Público Manuel Cordo Boullosa de Ponte Caldelas 07:00 horas.
- Lugares de visita: Oporto, Figueira da Foz e Coimbra.
- O prezo inclúe: autocar, hotel de tres estrelas en Figueira da Foz, pensión completa, comida en restaurante en Oporto, guía local en Oporto, guía acompañante, música nocturna en hotel, seguro de asistencia en viaxe.

ARTIGO 3.- MEMORIA ECONÓMICO FINANCEIRA.

Memoria económico financeira relativa ós gastos a asumir pola realización da actividade:

- a) Custo total da actividade para 160 prazas
 - 145 prazas para maiores de 12 anos: 13.775 €.
 - 5 prazas para neno/as entre 0 e 2 anos: 125 €.
 - 5 prazas para nenos/as entre 3 e 6 anos: 260 €
 - 5 prazas para nenos/as entre 7 e 12 anos: 380 €.
 - IMPORTE TOTAL: 14.540 €.
- b) Ingresos por conta dos/as participantes:
 - 145 prazas para maiores de 12 anos: 10.150 €.
 - 5 prazas para nenos/as entre 0 e 2 anos: 92,10 €.
 - 5 prazas para nenos/as entre 3 e 6 anos: 191,55 €.
 - 5 prazas para nenos/as entre 7 e 12 anos: 280 €.
 - IMPORTE TOTAL INGRESOS: 10.713,65 €.

- c) Grado de cobertura financeira por parte do Concello de Ponte Caldelas: 3.826.35 € (26,32 %).

ARTIGO 4.- PREZO DE PARTICIPACIÓN NA EXCURSIÓN.

O prezo público de participación na excursión será de:

- a) Maiores de 12 anos: 70 € por participante.
- b) Nenos/as entre 0 e 2 anos: 18,42 € por participante.
- c) Nenos/as entre 3 e 6 anos: 38,31 € por participante.
- d) Nenos/as entre 7 e 12 anos: 56 € por participante.

A obriga de pagamento nace coa formalización da correspondente inscrición e abonarase dunha sola vez ó realizar a inscrición. Os importes deberán de ser satisfeitos xunto coa presentación da solicitude de participación e, en todo caso, sempre antes da realización da actividade.

A renuncia á participación non dará dereito á devolución do prezo abonado excepto nos casos de forza maior debidamente acreditados; entendendo como forza maior o caso fortuíto inimputable, que proveña dunha causa enteiramente allea á vontade das partes, imprevisible, isto é, que non se teña podido prever dentro dos cálculos ordinarios e correntes, e irresistible, é dicir, que non se teña podido evitar.

O pago deberá de efectuarse no seguinte número de conta municipal da entidade ABANCA: ES91 2080 5057 44 3040004630.

ARTIGO 5.- NORMAS DE PROCEDIMENTO PARA OS INTERESADOS/AS.

1. Os interesados/as na realización da viaxe deberán de encher unha folla de inscrición en modelo normalizado facilitado a tal efecto nas Oficinas Municipais e será presentado nesta en horario de rexistro ou ben a través da sede electrónica municipal (pontecaldelas.sedelectronica.es) con data de **apertura de prazo o 19 de marzo e data de finalización o 6 de abril ás 14:00 horas (non se admitirán solicitudes antes ou despois deste prazo)**. Esta solicitude deberá de vir acompañada **obrigatoriamente do xustificante de ingreso do importe do prezo público de participación na actividade**.
2. Estarán automaticamente admitidos os 160 primeiros interesados/as en presentar a inscrición xunto co correspondente xustificante de pago do prezo público de participación na actividade, por rigorosa orde de entrada en rexistro. **Non será válida a presentación unicamente de un destes dous documentos.**
3. Unha vez superado o número de 160 inscricións os seguintes pasarán automaticamente á lista de espera. **Os solicitantes que pasen á lista de espera só deberán de aportar o documento de pago do prezo público unicamente no caso de que finalmente sexan admitidos.**
4. En caso de non poder asistir, este feito deberá ser comunicado cun mínimo de 5 días naturais previos á realización da actividade, non dando dereito á devolución do importe satisfeito salvo causa de forza maior.
5. Requisitos de participación:
 - a) Terán preferencia os/as solicitantes que figuren empadroados no Concello de Ponte Caldelas. Os non empadroados pasarán directamente á lista de espera e non terán que realizar o pago ata que se lles confirme ou non a existencia de praza.
 - b) Respetarase a orde de entrada en Rexistro quedando en lista de espera, unha vez se superen as 160 prazas, os/as interesados que presentasen máis tarde a inscrición. Na lista de espera tamén terán preferencia os/as solicitantes empadroados.

c) Non se admitirán inscricións colectivas. É dicir as solicitudes de participación deberán de ser individuais e persoais, nunca presentadas por Asociacións, Comunidades, ... Asimesmo ningún particular poderá presentar en representación doutro máis de 5 inscricións por día.

d) Os/as menores de idade deberán de ir obrigatoriamente acompañados dun adulto responsable. Para elo deberán de aportar xunto coa solicitude de participación a autorización do pai/nai ó respecto.

ARTIGO 6.- REDUCCIÓN DO NÚMERO DE PRAZAS.

O Concello de Ponte Caldelas resérvase o dereito de reducir o número de participantes en función das solicitudes presentadas e do número de prazas existentes nos autobuses. É dicir no caso de que o número de solicitudes non sexa suficiente para cubrir o número completo de prazas ofertadas por unidade de autobús poderanse eliminar as unidades que se considere oportuno. Por exemplo se para a actividade hai 110 solicitudes e o número total de prazas por autobús é de 50 o Concello poderá decretar a eliminación de un autobús quedando o número de participantes reducido a 100 os 10 restantes pasarían á lista de espera, primando nesta decisión a boa xestión dos caudais públicos.

ARTIGO 7.- SUSPENSIÓN DA ACTIVIDADE.

O Concello de Ponte Caldelas resérvase o dereito de decreta-la suspensión da actividade no caso de que a mesma non conte cun mínimo de **45 participantes empadroados** ou por calquera outra causa debidamente xustificada, procedéndose no seu caso á devolución dos importes satisfeitos.

ARTIGO 8.- ACEPTACIÓN DAS BASES.

A participación nestas actividades supón a aceptación de todas e cada unha das cláusulas recollidas nestas normas.

PROPONSE Á XUNTA DE GOBERNO LOCAL:

1. A aprobación das presentes bases.
2. Dar traslado á empresa Xornal Galicia Norte para a xestión do programa.

Visto o expediente arriba reseñado e en virtude do Artigo 21 da Lei 7/1985, de 2 de abril, reguladora das Bases de Réxime Local e do Decreto da Alcaldía de 15 de xuño de 2015:

A Xunta de Goberno Local ACORDA A SÚA APROBACIÓN por UNANIMIDADE dos Concelleiros/as asistentes.

E para que así conste ós efectos oportunos, expido a presente certificación coa salvedade do disposto no artigo 206 do RD 2568/1986, de orde e co Visto e Prace do Sr. Alcalde.

Vº e Pr.

O Alcalde,

Asdo.: Andrés Díaz Sobral

A Secretaria,

Asdo.: Mª Beatriz Del Cerro Del Río